



مجموعه علوم

هر عربی ایک برنده واون بشنده نشر اولنور

پوسته اجرتیله برابر بریللغی ۳ سکر ایلغی ۲ درت ایلغی ۱ چار ییک ایرای عثمانی و اوچ ایلغی اییاض مجیدیه در بلاد ثلاثه ده کی دواثر رسمیه ایله نفس استانبولک هر طرفی ایچون - پوسته اجرتی و یرایه جکندن - هر ایک ایلغی ۱۰ غروش مجیدیه در .

مجموعه علومه متعلق کافه خصوصات ایچون «مکتب صنایعه مجموعه علوم مذیری شکری افندی» یمه مراجعت اولنور پوسته اجرتی و یرایان مکتوب قبول اولنماز .

ثمره بی منتج اولور بیه و حماقت وادیلرندن
دونوب قوری غوغادن فارغ اولالر پس بو
مختصر بر مقدمه و نیجه مباحث اوزره مرتبدر
مقدمه

علوم عقلیه لزومن بیانددر
طالب حقه معلوم اولاکه عالم بشر متعلق
موجود کرب معلوم مجهول مطلقدر اول
جانبه ذهن توجه ایلنر موجوددخی ماده دن
مستغنی اولورسه اول مقوله امور متعلق مباحثه
علم الهی دیرلر فروعی چوقدر باحثی یا حکیم
یا متکلمدر و موجود ذهنه ماده دن مستغنی
خارجده ماده یه محتاج اولورسه اکا متعلق مباحثه
علم ریاضی دیرلر اصولی دورت قسمدر عدد
هیئت هندسه و موسیقی فناری و هر برینک نیجه
فرعی وارددر و موجود هم خارجده و هم ذهنه
مطلق ماده یه محتاج اولسه اول مقوله امور مباحثه
علم طبیعی دیرلر بو علمک دخی فرعی چوقدر
و بوجه حکمة نظریه اقسامی در بر قسمی دخی علم
متعلق اولغله اکا حکمة عملیه و علم اخلاق دیرلر
پس جمله علوم عقلیه و علوم نظریه و عملیه بو
اقسامدن خارج دکدر و بو نارد فکور نظر طریقله مح

بسم الله الرحمن الرحيم

الحمد لله الذي جعل العقل حجة في خلقه *
وايد الشريعة فيما يفرق بين الباطل وحقه *
والصلوة والسلام على محمد المبعوث بالنقل *
المعجز الفاضل والعقل الكامل * وعلى الله
وصحبه ما دار المباحث في محافل الافاضل * و
بعد اول افریشدن برومیان ارباب دانشده
عقل ایله نقل توامان و معقول منقول فرسی رهان
ایدوکی مسلم و معارج یقینییه یه مسالک برهان مدارج
وسلم اولغله بحث و نظر وادیلرند معول علیه
جمهور و مرجع الیه هر اموردر

بعض ناس و سواس خناس اغواسیله طریق
برهانی قویوب جهل و حماقتدن ظنیات ووهمیات
ایله برهانه معارضه قصدن ایدوب برقیچ مسئله ده
نزاع و تعصب باطل مرضنه مبتلا اولوب سلفده
کچن تعصب جنکری کبی بو ارباب حماقتک
باطل جدالری قتاله مؤدی اولغله از قالشیدی
اکابناء نزاع اولنان مسئله لرده طریق برهانی
بیان ایچون برایکی سطر تسوید اولنوب اسمنه
میران الحق فی اختیار لاحق دینلیدی
تا که عامه نزاع وجدال ماده بی ندر و نه مقوله

اولنوب فکرده خطادن غصمت مصلحتی ایچون
قانون استدلال ونظری تدوین ایدوب نامنه علم
میزان و علم منطق دیدیلر میزان و معیار
علومدر علامه سیدشریف جرجانی قولنجبه
برعالم که علمن بو وزن و معیار ایله عیار ایلمیه
انک علمنه اعتداد و اعتبار یوقدر اول اجلدن
اکثر محققین وجوبنه ذاهب اولدیلر (۱) و علم
منطق مقصود بالذات دکل مقاصدی تحصیل وسیله
والندر

مبدأ فطرندن بری طوائف و امم بیننده
قرار داده علوم ضروری و حقیقیه و برهانیه بو ذکر
اولنان حقایق اشیا علماری در کتب منزله و علوم
شرعیه مباحثی علوم مذکورده مباحثی و مسائلی
ایله اکثر موادده اجتماع و اتفاق ایدوب مواد
متعددده افتراق واقع اولمشر (ب) اهل اولان
اول ماده لری بیلور (ت)

اما علوم شرعیه که بو عصرده مراد علوم
اسلامیه در خالی دکل یا مقصود بالذات اوله
یا انی تحصیل وسیله اوله وسیله علوم الیه و علوم
ادییه و علوم عربیه دیرلر زیرا مقصود بالذات
دکدر و ادب درس بالذات و ادب نفس بالواسطه
اکا موقوفدر و الفاظ عربیه دن بحث ایدر بونک
اقسامی موضوعات کتابلرنده یازلدوغی اوزره
اون ایکی اولاق مشهوردر مقصود
بالذات دخی موضوعاتی ایله بری برندن تمیز
اولنور موضوعی کلام الله ایسه علم تفسیر
و علم قرآن در فروعی ایله کلام رسول الله ایسه

(۱) بعض حقاقر متن ادعا ایلمدینی جهل
و حاقندن ناشیدر
(ب) اول اجلدن ملة نصرانیه دخی فلسفیاتی
رد اتمدیلر لکن اهل اسلام تهافت ایله جواب
یازب مطلق رد اتمدیلر
(ت) اول ماده لری قبول جائز دکدر

علم حدیث در فروعی ایله ایکسندن و انلره راجع
اموردن مستنبط اولوب صرف اعتقاده متعلق
ایسه علم کلام در نهایت متأخرین مباحث
حکمییه بی بو علمده خلط ایلدیلر علامه سعد
الدین شرح مقاصده چوق مضیقندن انکله
فرجه بولدقاریچون دیمشدر و اگر صرف
اعتقاد اولوب علمه متعلق ایسه اصول و فروع
وسائر اکا متفرع ترغیب و ترهیب علماری در
سابقا مذکور اولدوغی اوزره علوم عقلیه
و علوم حکمییه بو علملره تداخل ایلمشدر اول
علملردن بی بهره اولان بو علملره دخی تمام مرتبه
واقف اولاماز

بوندن صکره خلق اراسنده شایع اولان
انکار اصلنه کلام صدر اسلامده صحابه کرام
حضرت پیغمبر صلی الله تعالی علیه وسلم دن
اخذور وایت اتمدکلی کتاب و سننه تثبت ایدوب
قواعد اسلامیه رسوخ و استحکام بوندن غیری
علملره شغلی تجویز اتمدیلر بلکه منع (ث)
بابنده عظیم شدتلر کو ستردیلر حتی حضرت عمر
رضی الله عنه مصر و اسکندریه فتحنده نیچه
بیک جلد بولنان کتابلری یا قدردی (۲) زبرا
اوله اولمه خلق کتاب الله و سننه رسول الله

(ث) بومنعک برسبی دخی اسلام ارض
حجازده ظهور اتمدی جزیره العرب سکانن جمیع
زمانده علمی اشعار امثال وایام عرب ایدی (۱)
اصول علوم بو ایدیده مستعمل اولدوغن ابن خلدون
مقدمده تفصیل اوزره بیان ایلمشدر مراد
ایدن مطالعه ایلیه

(۱) تجاوز الله تعالی عما خطر ببال المصنف
(۲) شو احراق کتب مسئله سی یا خود یلانی
کثرت شیوعنه بناء بروقتار بر چوق ذوات طرفندن
صححه حمل ایلمش ایسه ده کذب صریح
ایدوکی تحقیق ایتشدر

حفظ نیدن قالوب انلره مشغول او اورلردی
وقواعد اسلامیه بومر تبه رسوخ واستحکام
بومزدی صدر اولده انلر اول مصلحتی کوردیلر
صدر ثانی وثالثده تابعین ومجتهدین راویلر
روایت تدوین ایدوب اصول وفروع قاعده سی
اوزره ادله شرعیه دن احکام الهیه یی استنباط
ایدوب یازوب جز دیلر

علوم اسلامیه تدوین اولوب برطر یقیله خلل
کلدن مصون ومضبوط قلندقدن صکره اهل
اسلام اکابرلر (۳) ی کوردیلر که سلفک منعی
بومصلحت ایچون ایدی محذور برطرف قلنوب
مصلحت بتدی اهل اسلام حقایق اشیا
علمین بامک مهمدر دیو بنی امیه والعباس
عصرلرنده علوم و اوائل کتابلرین ترجمه
وتعریب اندیلر فطرة سلیمه وعقول مستقیمه
اصحابی هر عصرده انلری اوقویوب تحصیلدن
خالی اولدیلر سمت تحریر وتحقیقه حکمت ایلله
شریعت بینتی جمع ایدوب محققلرک اثری هر
عصرده مشهور ومعتبر اولوب رواج بوادی

علماء اسلامدن محققین امام غزالی وامام فخر
رازی وعلامه عضدالدین واتباعی وقاضی
بیضاوی وعلامه شیرازی وقطب رازی وعلامه
سعدالدین تفتارانی وسید شریف جرجانی
وانلرک اتباعندن علامه جلال دوانی وشاکر دلری
مقام تحقیقه وتدقیقه واصل اولوب یالکز بر فنده
قالمدیلر لکن نیچه خالی الذهن کسه لر صدر
اولده برای مصلحت واقع اولان منع روایتلرن
کوروب حیرجامد کی تقلید محضله طوکوب قالدی
اصلنی تدبر وملاحظه اتمدن رد وانکار ایلدی
فلسفه علملری دیوزمه مبتلا اولوب یری کوکی
بلمز جاهل ایکن عالم کچسندی اولم یظنروا

(۳) هر بر طائفه نک اکبرلری ویادیکر بر تاویل

مراد ایدلشد

فی ملکوت السموات والارض تهیدی قولانغه
کرمیوب زمین وافلاکده نظر بقر کی کوز ایلله
بقمق صاندی (۴)

دولت علیه عثمانیه اوایلنده سلطان سلیمان
خان زمانه کلنجه حکمة ایلله شریعت علملرین
جمع ایلین محققلر اشتهارده ایدی ابو الفتح
سلطان محمد خان مدارس ثمانیه بنالیدوب
قانون اوزره شغل اولنه دیو وقفیه سنده قید وحاشیه
تحریر وشرح موافق درسلرین تعیین ایلمشیدی
صکره کلنر بودرسلر فلسفیاتدر دیو قالدر ب
هدایه اکمل درسلری اوقمنغی معقول
کوردی یالکز اکا اقتصار نامعقول اولغلر
نه فلسفیات قالدی نه هدایه اکمل قالدی

بونکله رومده سوق علمه کساد کلوب اهلی
انقراضه قریب اولغلرله بعض کسنارده اگراد
دیارنده یریر قانون اوزره شغل ایدن طالبلرک
مبتدلیری رومه کلوب عظیم طفرده ستار اولدی
انلری کورب عصر مزده بعض قوابل حکمت
طالبی اولوب فقیردخی اثناء مذاکره ومدارسه ده
استعداد اصحابی طالبلری سقراط افلاطونی
ترغیب اندیکی کی حقایق اشیا علمی تحصیلنه ترغیب
ایدوب بورساله ده دخی وصیت وجهه سنه نصیحت
ایچون برقاج مواد ذکر وایراد ایلدم تا که مطلق
علم نامنه اولانی مهمما امکان تحصیله سعی ایدلر
البته بر محله لازم اولور علمک ضرری
اولماز ذم وانکار ایلیمیه لر زیرا بر شئی انکار
اول نسنه دن بعدو حرمانه سیدر (۵)

(۴) لله دره حیث اظهر الحق ا

(۵) اسلافک بومثلا ونصایح حکیمانیه ووصایای

مرشدانه یی عدم سمع واعتبار وحقایق اشیا
علملرینی انکار وحتی بعض عالم ومعلم ومتعلملرینی
اکفارده اصرار ایتلری اخلافک حقیقه حرمانه
سبب اولشدر ملاحظه بیورلسونکله اور ویا یلر

منزل ایچون تقریباً اون اوچ درجه حد معین
وارد در قرك سیری گاه اون بر درجه گاه اون
بش درجه اولور بو خصوصاً اصلنه وقوف
مراد ایدن نجوم و فلکیات فسلرن کوره و بر
ماده دخی سداسکندر بین السدین ایتمده جبلا
ارمینیه وادریه جان دیمکه تبریز سخته اولق
اوزره یازمشدر بودخی واقعه مطابق دکلدر
تحقیق اوزره بلمك استین جغرافیا فنن تتبع
ایلیه (۷)

ماده رابعه بودر که ریاضیات در سارینه شغل
اثنا سنده اوچ مسئله خاطره خطور ایدوب مسائل
فقهیه ارجاع ایله شیخ الاسلام بهایی افندی
استفتا اتمشدم جواب صادر اولمقله شرحی
متضمن بر رساله یازد قدنصره اوچ سوآلك برنه
مکر جواب یازمشار کندی خطی ایله فتوی امینی
شیخ زاده افندی ده ظهور ایدوب خط فاحش
اولمقله رساله اخرنه بعینه نقل و اصلاح جواب دیو
تذیل اولنمشیدی مراد ایدن رساله یی کورده مسئله لر
بودر که بری طلوع الشمس من المغرب هیئت
قاعدہ سنه تطبیق اولنور می بری دخی الی ای
کوندر الی ای کیجه اولدیغی یرده بش وقت
نماز نیجه قلنور اوروج نیجه طویلور بری دخی
مکه دن غیر یرده جهات اربعه قبله اولور می (۸)
امدی ارباب استعداد معقولات و ریاضیاتی
بلمکه محکم سعی ایتیک کرك تاکه طریق
نظرده ظن و شک صاحبی وهام و اشک اولیه (ج)
تنسیه بوندن صکره معلوم در که واقع
اولوب یرلشدد کدن صکره کلیله اول نزاع و خلاف

(۷) تبریزده سداسکندر ؟
(۸) قره چلبی زاده نك عاجز قاله جفی شواللری
بهایی افندی کبی بر مفتی ظریفدن استفتا -
تجهیل و تحجیل مقصدیله دکلده - عبشر -
(ج) اشک اسم تفضیل در ترکی ده حماره دیرلر

ماده اولی مفتی مهندس ایله غیر مهندس
فتواسیدر برکمه طولی عرضی عمقی دورت
ذراع بر بر حفر آتمکه اخری سکره اقیچه
استیجار ایلیوب اول دخی طول و عرض و عمقی
ایکی ذراع بر بر حفر ایلدی و دورت اقیچه
استدی فتوی ایدردیلر هندسه بلمزم مفتی دورت
اقیچه حقی در دیدی مفتی مهندس حقی براقچه در
دیو فتوا و یردی حقی رجحان بودر (۶)

ماده ثانیه قاضی مهندس ایله غیر مهندس
حکمی در برکمه طولی عرضی یوز ذراع اولق
اوزره بر ترلایی اخره بیع ایلیوب تسلیم محکمه
طولی عرضی اللیشر ذراع ایکی ترلا و یردی
ارالنده نزاع واقع اولوب بر قاضیه واردیلر که
هندسه بلمزدی حقی بودر دیو حکم ایلدی
صکره قاضی مهندس بولوب دکلتیلر نصف
حقی در دیدی حقی دخی بودر بونلرک اصلانی
بلمك مراد ایدن ریاضیات کسور مکه هوس
ایلیه (۶)

ماده ثالثه علامه بیضاوی و انقمر قسرنه
منازل ایقی تفسیرنده قرك یکرمی سکر منزلن
بیان اید کدنصره ینزل القمر کل لیله فی واحد
منها لایه خطاه ولایت صرعه دیمشدر اگر
قرك هر منزله نزولی بروقتده اولایدی کلام
مزبور صحیح اولوردی لکن او یله دکلدر
گاه او اسطالیله بر منزلدن بر منزله انتقال ایدر
گاه بر کیجه ده ایکی منزله حرکت ایدر و هر

اوزرینه سوق اولنه حقی عسکرک مهماتی
اورو پا فابریقه لرندن انتظار و مجروح لرمن ایچون
اورو پا اطیاسندن استنصار ایتکلک فوقنده
حرمان اولور می ؟

(۶) شایان عبرتدر که - عصر مزده بدیهیات
حکمی الان - بو کبی مسئله لر دن جاهل و غافلار
وقتیه فتوا و قضایا مسند لرینی مشغول ایدر لرش !

رفع اولنمی ممکن و میسر دکادر اگر بر صاحب سیف
 بر طرفی قهر و غلبه ایله اسکات ایدرسه دخی
 اولماز سور یلور کیدر
 امدی بوساله بی تحریردن مقصود ارباب
 استعداد آزمایش و سمت استدلال و جسدلدن
 برغایش دروالا انعام کالیهوام انلرک بحث وجدانه
 نه اعتبار
 بودخی معلوم اولاکه دور ادمدن بروخلق
 فرقه فرقه در هر بر فرقه نک بردلو مذهبی
 و بردلو مشربی وارد که فریق اخره اول
 مخالف کورینور کل حزب بماالسدیم فرحون
 مقتضاسنجه جله سی کندی مسلک کنی بکنوب مسلک
 اخردن ترجیح ایدر نهایت کیمی عاقلدر
 بو اختلاف حکمتی تأمل و ملاحظه ایدوب
 تحننه نیجه مصالح بولور و کسه ک مسلک کنه
 و مشربنه دخل و تعرض ایلمز اگر کندی
 دیانتی مقتضاسنجه امر منکر ایه قلبندن انکار
 ایله اکفایدر کیمی دخی احق در اختلاف حکمتن
 بلمز جله خلق بر مذهبده و بر مشربده اولسون دیو
 محال تصور ایدر امر دینده بلاموجب نزاع
 و جسدال ممنوع ایکن دخل و تعرض قیدنه
 دوشوب قراردادده اموری رفعه چالیشور ممکن
 اولماز بیهوده زحمت چکر
 امدی کر کدر که اهل بصیرت مقتضای
 حکمت تمدن و اجتماع که لوازم بشریه دندر
 معلوم ایدینوب اصناف خلایق تقسیمنه و هر بر
 قسمک حال و شاننه واقف اولالر بر شهر خلق
 اصنافنه و غرضنک عرف و رسمنه و قوفندن
 صکره بتون ربع مسکون سکانتک دخی اصناف
 واحوالسنه علم اجمالی تحصیلنه سعی ایدر
 بعد الحصول سر حکمت تمدن تدریجیه منکشف
 اولوب کیدرک بیلنور که بو مقوله نزاع و جسدال
 اربابی بیت عنکبوت دوشن ذباب کبی ضعیف

و بی تابدر

بحث اول حیات خضر علیه السلامده در
 اول حیات موت نه یهدیرلر کرجه واضح
 و معلوم در لیکن بو مقامده الزام ایچون ذکر ایدمه
 پس حیات ذی روحک تنفس و حس و حرکتله
 اتصافی در ذی روح حیاته متصف اولدوغیچون
 حیوان دخی دیرلر بو صفتله قائم اولان ذوات
 ماده اولغله اصل ماده عناصر اربعه وار کاندن
 تألیف و ترکیب اولنوب هر برینک کیفیات
 اربعه سی کسر و آنکسار فعل و انفعال ایله
 امتزاج بولوب مزاج حاصل اولدقندن صکره
 حیاته استعداد کلیجک فیاضده بخل یوق مبداء
 فیاض روح بخش اولور و بدن آنکله حیات بولوب
 حس و حرکتله اغاز ایدر و جنس حیوان
 انواعنک مزاجلری مختلفدر اعدل امرجه
 حیوانات مزاج انسان اولسه کرک که عرض
 مزاج و سطنده در و هر نوعک مزاجنه کوره
 انسان و اعماری اولور اکا غر طبیعی دیرلر
 امتزاج اضداد و ترکیب دائماً نسق واحد اوزره
 قائم ممکن اولمیوب اشیاء مختلفه الطبیاعک
 مزاجده اثر اختلافی ظهور البته لازم اولغله
 اثر اختلافی اوچ مرتبهده بولمشلر مرتبه اولیه
 زمان غو ثانییه زمان وقوف مرتبه ثانییه
 سن انحطاط دیمشدر مزاجدن حاصل اولان
 بدن قوتلری بو مرتبهلرده اختلاف و تفاوت
 اوزره در

پس اصل مزاجده عمده اولان کیفیه فاعله
 و کیفیه منفعله که حرارت غریزیه و رطوبه غریزیه
 اندن عبارتدر بو مرتبهلرده قوتدن ضعفه
 کیدوب مؤثر خارجدن قطع نظر حراره غریزیه
 رطوبه غریزیه بی دائماً افتنا تمده در رطوبه غریزیه
 ایه ماده حیات و روح حیوانی اندن عبارتدر
 غذا ایله بدل مایه جلال دن حاصل اولان حرارت

ورطوبه غریبه کرچه اکا امداد ایدر لکن
سن انحطاط نهایتنده رطوبه غریزه آزالوب
امداد خارجی تلقی سنه وقبوله استعداد مرتبه
سندن دوشردخی آخر اولوب حس و حرکت
وتنفس کیدر و حیوان اول حالده موت صفقی
ایله متصف اولور حیات صفقی کیدر

پس موت حیوانک مقتضای طبیعتی اولوب
امور ضروریه دن ایدوکی مبرهندر جنس ونوعک
حکمی افراده عام وشامل اولوب برنده تخلف
ایلمز مکرکه وراء طور طبیعتده خارق عاده برامر
ادعا اولنه حضرت عیسی علیه السلام کبی
اول دعوائی اثبات نص قاطعه محتاجدر خبر واحد
وظنیات ایله امور یقینیته نک خلاقی ثابت اولمحق
طریق جدلدن مسلمدر

بوندن صکره حیات خضردن مراد اگر
بشریتدن انسلاخ و روحانیاته التحاق ایسه
حضرت عیسی علیه السلام کبی انلرک شاننده
وارد اولان ادله امثالی ایله بودعوا دخی ثابت
اولور لکن حضرت عیسی بونشاهده نزول
ایدنجه نه حالده ایسه خضر دخی اول حال
اوزره اولور انلر انشاء جنسی ایله جسمانی
صحبت وملاقات اتمدکی کبی خضر دخی اتمک
لازم کاور صحبتی وملاقاتی باشقه بردعوائی
اخری دخی اولور که اولکی دعوائی نقض ایدر
یا بودملریلانمی سویار بور وایتلرک اصلی
ندر دنلورسه مشایخ کرامک عالم غیبته نیجه
سیر و سلوکی و روحانیات ایله معامله سی واردر که
انلر مرتبه سندنه اولمیهانه میسر دکلدن نکه
اسکداری محمود افندی رحمه الله جامع الفضائل ده
تحریر ایدر و بعض اهل السلوک اذا تصفی
یری الموتی عیاناً وعن بعض الفقراء انه قال
کنتت فی بدایة سلوکی بپروسه وکان بمحمتنا
رجل یؤذن بجامع مولانا الفناری فبات المؤذن

یوما ومضی علیه ایام کثیره فذهبت الی شیخی
بعد صلوة الصبح فلقیت المؤذن المذکور فی
الطریق ومعه شخص اخر لا اعرفه وکان التلج
ینزل علینا فسلمته ومضیت ثم ذكرت القصة
للشیخ فقال هذا بسبب ریاضتک ایاما وکان
غدا فی تلك الايام خبر ایابا بسا ثم قال الشیخ قد لقیته
انا بعض الموتی فی سکه فوق سوق السمک بپروسه
انتهی

پس مشایخ اوائل سلوکارنده ریاضات شاقه ایله
تدنس نفس خود کامی برمرتبه رام ایدرلر که
عالم اشباحده ارواحله سیر ایدرلر نکه عزیمومی
ایله رساله سنده ذکر ایدر عزیزلرینک احبابندن
برکمه فوت اولوب بعد زمان زاویه قیوسنده
شخص مزبوره راست کلوب سلام ویرلر
خاوتخانه عزیزه داخل اولوب فلان دده
مرحومی کوردن حضور کزدن چقوب طشره
کمتدی دیواستکشاف اتدکده اوغلر ریاضت ایله
روحه تقویت اتمش سن انک اثار ایدر فقیر دخی
ریاضتم زماننده احیاناً چارشویه داخل اولدقجه
امواتی احیادن زیاده مشاهده ایدردن بیورلر
امدی حقیقت حال بودر صکره ناقلا ریا جهل
یاتزور سببی ایله امور روحانیه بی امر خارجی
وامر حقیقی صورتنده ابراز ایدر خلق اصانی
بلمز کر چک صانور ذکر اولنان روایه
وحکایتلرک منشاء غلطی اولدر و بعض کاذب
مدعیلر انلرک روحانی ملاقات و معامله لرین
خارجده دعوا ایدوب انسکه نیجه غرض فاسده
نائل اولدیلر

ابن حجره قلاتی اصایه ده خضری
اصحابدن یازدغی حیات جسمانی سنه دلالت
اتمزمی دنیلورسه ابن حجره مصرده قاضی
ومحدث اصحاب جاهدن بیوان کده ایدی
فقه شافعی ده تألیفی و دیوان شعری واردر

مسکریوز الی ایکی ده وفات اتمشدر اکثر
 مهارتی علم حدیث روایتنده اولوب الی جلد
 قدر اول بابده عظیم کتابلر تألیف اتمشدر
 محدثک شانی انار و اخبارده بولدوغی مرویات
 یازمقدر حافظ مزبور فنک حکمن اجرا
 و روایه حقنی قضا ایلمشدر
 لکن درایه معقولاته اولور باشقه برحالد
 مرویاتله اولماز ابن حجرک یازدوغی ظنیات
 ایله یقینیاتدن اولان خصوصه معارضه جهلدن
 خصمی الزام ایلمز و بو بابده ابن جوزی
 عیاله المنتظر نام بر مستقل کتاب یازب ابن
 خیضر دخی رساله تحریر ایلمشدر برانلردن
 نقل کلام جانبده مقید اولدق عاقله اشارت
 کفایت ایدر

بحث ثانی تغنی بحثی در

تغنی فن موسیقی قاعده سنجه نغماتله تردید
 صوته دیرلر مطلق اصواتک نفوس وابدانده
 تأثیری مقرر در انکار اولنمز صوت اگر ناموزون
 و منکر اولور سه نفرت جهتمندن تأثیر ایدر
 و اگر موزون و مطبوع اولور سه رغبت و اقبال
 ایله تأثیر ایدر نفوس و ارواح اندن متأثر اولدوغنک
 ابدانده اثری اولور و صاحبی اول تأثیری ادراک
 ایدوب بیلور مکر علاجه محتاج فاسد المزاج اوله
 اصوات موزونه دخی متعلق بحث اولقی ایچون
 اوچ قسمه بولینور بری حنجره طپوردن صادر
 اولور بری دخی حنجره انساندن چقار
 بری دخی ساز و سوزدن برالتی ضرب و نفخه
 صدور ایدر ساز ملل و ادیان اصحابی جمله سی
 استعمال ایلدیلر ملة اسلامیه ده اهل شرع شریف
 طپوردن صادر اولان نغماتی استماع مطلقا
 جائزدر دیوب حنجره انساندن صدور ایدنی
 بعض شروط و قیود ایله تجویز ایلدیلر ضرب
 و نفخه استعمال اولنان التلی استماع اصلا

جائز دکل دیدیلر

فاضل محقق علامه روی قتالی زاده علی
 افندی مرحوم اخلاق علائی نام کتاب
 عظیم مننده بوسیاتی تحریر و غنا بحثی تفصیل
 اوزره تقریر ایلدی طالب حق اولان اخوان
 مؤمنین اول کتابی حرزجان ایدوب اوراد
 واذکار پرینسه اوقغی التزام ایلک کرک تاکه
 دین و دنیا مهمی ندر بیلوب موجبی ایله عمل اوله
 ز را حکمت ایله شریعت بینتی جمع ایلمش
 بر کتاب مبارکدر و مصنفی دهره بر کلندرندر
 کلدک که حنجره انساندن صدور ایدن اصوات
 و نغمات خصوصه مذاهب ائمه دین نیجه در
 اگر می و محبوب فسق و فجور ذکرنی متضمن
 ایات و اشعار ایله اولور سه استماعی مطلقا جائز
 دکل و اگر ذکر الله و نعت رسول الله و بعض
 ترغیب و ترهیبه متعلق اشعار ایله اولور سه اکثر
 قنیده استماعی جائزدر بعض فقها انده دخی
 نیجه قیل وقال ایاسدیلر لکن مآلی ورع بارده
 مستهمی اولور بوجه قرآن عظیم الشان تلاوتندن
 غیریده در قرآنده تغنی مخارج حروفه و ترتیل
 و تجویده خلل و یرمکله مشروط و مقید اولوب
 قاعده اصوله رعایت لحنه مؤدی اولمق لازمدر
 اول بر مخصوص تغنی اولور که علم ادوار
 اصلنه او یمازمن لم یغنی فی القرآن حدیثندن مراد
 بونوع تغنی در دیدیلر و ساز و سوزدن
 دخی بعض الله ضربنی کاهی برای مصلحت
 تجویز ایلدیلر حربه غزاتی تشجیع ایچون طبل
 و نغاره کبی و سور زقافده دف بلاجلجل کبی
 تنبیه شرع شیرینده بو بابده وارد اولان
 منعار بر حکمه مبنی در اصلی بودر که مطلق
 نغمات سابقا ذکر اولدوغی اوزره نفوس
 و ابدانده تأثیر ایدوب روح و نفسی تحریکده
 عظیم دخلی اولدوغنده حکما دیدیلر شول